



COMUNE DE OTZANA

PROVÌNTZIA DE NÙGORO

COPIA

DELIBERATZIONE DE SU CONSÌGIU COMUNALE

Nùmeru 26 de su 18-05-2023

Ogetu: Regulamentu pro sa contzessione de contributos, patrotzìnios e àteros benefìtzios econòmicos - Aprovatzione.

S'annu **duamìgiabintitres**, su **degheoto**, de su mese de **maju a sas 6 e mesa de borta de die**, in sa **sala consiliare de su Comune**, s'est abojadu su Consìgiu Comunale cunvocado in prima cunvocatzione.

A s'apellu resurtant presentes/assentes sos Segnores:

Saba Franco	P	Bussu Mario	P
Pittalis Stefania	P	Goddi Stefania	A
Soru Sofia	P	Porcu Fabrizio	P
Madeddu Salvatore	P	Soru Gianluca	P
Pittalis Barbara	A	Noli Gianni	A
Denti Marco	P		
Totale Presentes 8		Totale Assentes 3	

Assumet sa presidèntzia su Segnor Franco Saba in calidade de Sìndigu.

Su Segretàriu Comunale Dut.ra Antonina Mattu assistit a sa sètzida in videocunferèntzia.

Su Presidente, averiguada sa presèntzia de su nùmeru legale, deccarat aberta sa sètzida e cùmbidat su Consìgiu a deliberare subra de s'ogetu giai muntovadu.

Sa riunione si tenet in presèntzia, osservende sas cunditiones de secura prevididas dae sas dispositziones natzionales e regionales in tema de mesuras anti contàgiu dae COVID-19 mediante s'usu de sas mascherinas, su rispetu de sa distàntzia interpersonale de a su nessi unu metru e s'igenizatzione de sas manos.

PREMÌTIDU chi s'art. 12 de sa Lege 7 austu 1990 n. 241, recante dispositziones in matèria de protzedimentu amministrativu previdit in manera pretzisa "*Sa contzessione de suventziones, contributos, sussìdios e ausìlios finantzìrios e s'atribuzione de vantàgios econòmicos de cale si siat genia a pessone e entes pùblicos e privados sunt subordinadas a sa predeterminatzione dae parte de sas amministrazziones pretzedentes, in sas formas*

Delibera de Consìgiu n.26 de su 18-05-2023 Comune de Otzana

prevìdidas dae sos ordinamentos rispetivos, de sos critèrios e de sas modalidades chi sas amministrazziones matessi depent sighire";

RILEVADU chi, cunforma a custa lege, su Consìgiu Comunale cun deliberatzione n. 12 de su 22 maju 2015 at aprovalu su "Regulamentu pro sa contzessione de sos contributos e àteras erogazziones econòmicas a favore de assotziaziones culturales, isportivas, ricreativas e sotziales", sostituidu dae su regulamentu aprovalu cun sa deliberatzione de su Consìgiu Comunale n. 8 de su 23/02/2023, e custu poi revocadu cun sa pretzedente deliberatzione de custu medèsimu C.C. n. 25 de sa matessi data;

RAVISADA sa netzessidade de regulamentare in manera prus pretzisa sa cuntzessione de contributos e s'atribuzione de vantàgios econòmicos e in prus de fàghere su Regulamentu semper prus currispundente a sas esigènzias de oe de valorizatzione de sas formas liberas assotziativas pro sa difusione e promotzione culturale, pro sas atividades de voluntariadu, pro su recùperu, tutela e valorizatzione de sas risursas istòricas, artìsticas, culturales e de sas traditziones locales presentes in su comune, favorende sa partetzipatzione de su tzitadinu e assecurende imparzialidade e sa semplificatzione de s'atzione amministrativa;

BIDOS:

- sa Lege 6 santandria 2012 n. 190, recante dispositziones pro sa preventzione e repressione de sa corruttione e de s'illegalidade in sa pùblica amministrazzione, in s' articulu 1, comma 16, individuatu sa cuntzessione e erogatzione de suventziones, contributos, sussìdios e ausìlios finantziàrios, e in prus atribuzione de vantàgiu econòmicos de cale si siat genia a persone e entes pùblicos e privados, comente atividade cun rischìu mannu meda de corruttione;
- su D. Lgs. 14 martzu 2013 n. 33 e s.m.i., recante su riòrdinu de sa disciplina chi pertocat sos òbligos de publitzidade, trasparèntzia e difusione de informatziones dae parte de sa pùblica amministrazzione, in su cale s'art. 27 "*Òbligos de publicatzione de s'elencu de sos sugetos benefitzziàrios*" disponet chi depat èssere publicada, in prus, finas sa modalidade sighida pro s'individuatzione de su benefitzziàriu;

RITÈNNIDU pro custu netzessàriu aprovare unu Regulamentu nou in atuatzione de sa normativa vigente subra muntovada;

BIDU s'ischema de Regulamentu comente in s'allegadu sub A), cumpostu dae n.ru 22 artìculos e ritènnidu su matessi de èssere aprovalu;

BIDOS sos allegados de suta de custu Regulamentu pro nde àghere parte integrante e sustanziale:

1. Dimanda de iscritzione a s'elencu comunale de sos Assòtzios;
2. Dimanda de patrotzìniu;
3. Modellu dimanda contributu ordinàriu e istraordinàriu;
4. Modellu rendicontatzione contributos;

DADU ATU chi su Regulamentu previdit chi su sustegnu finantziàriu relativu a sa contzessione de contributos e àteras erogazziones econòmicas, bèngiat assignadu dae su Responsàbile de custu settore, comente dae indiritzu de sa Giunta Comunale, a sa cale cumpetet sa determinatzione de su relativu valore, in relatzione a sas istàntzias presentadas e segundu sas resones dadas dae s'entidade de sa resursas lassadas disponìbiles dae su bilàntziu, cunforma a sos critèrios inditados in su regulamentu matessi;

RILEVADU:

- chi s'osservàntzia de sas protzeduras, de sos critèrios e de sas modalidades istabilidas dae su giai muntovadu Regulamentu costituitu cundizione netzessària pro sa legitimidade de Delibera de Consìgiu n.26 de su 18-05-2023 Comune de Otzana

sos atos cun sos cales benint dispostas sas cuntzessiones de contributu;

- chi s'efetiva osservàntzia de sos critèrios e de sas modalidades inditadas in su Regulamentu devet èssere atestada dae su Responsàbile de su Servìtziu in sos provvedimenti s'ingulos;

BIDOS:

- su D. Lgs. n. 267/2000;

- sa Lege n. 241/1990;

- sa Lege n. 190/2012;

- su D. Lgs. n. 33/2013;

- s' Istatutu Comunale;

ACHISIDU su parre favorevole in òrdine a sa regularidade tècnica espressadu dae su Responsàbile de su Setore Amministrativu, cunforma a s'art. 49 e art. 147 bis de su TUEL 267/2000 e s.m.i.;

LEADU FATU de sa netzessidade de fàghere cantu giai muntovadu;

Cun votazione

DELÌBERAT

- 1. De approvare**, pro sos motivos espostos in primissa, su Regulamentu pro sa contzessione de sos contributos e àteras erogatziones econòmicas a favore de pessones e sugetos pùblicos e privados, in su testu cumpostu dae n. 22 articulos, chi, paris a sa modulistica chi pertocat, est allegadu a custu atu pro nde fàghere parte integrante e sustanziale (All.A);
- 2. De demandare** a su responsàbile de su Setore cumpetente totu sos adempimentos currelados e sighidos a ustu deliberadu, tra sos cales – in fase de prima aplicatzione de su Regulamentu – sa predisposizione e publicatzione de apòsitu avisu pùblicu finalizadu a sa costituzione de s'elencu de sos Assòtzios cunforma a s'art.5 de su Regulamentu;
- 3. De dare atu:**
 - chi su presente Regulamentu sostituit ogni àtera pretzedente regulamentatzione comunale adotada in òrdine a sa contzessione de sos contributos muntovados;
 - chi su presente Regulamentu at a intrare in vigore a pustis de s'esecutividade de custa delibera;
- 4. De dispònere** sa publicatzione de custu provedimentu in sa setzione "Amministrazione trasparente" de su situ istituzionale de s'Ente;
- 5. De decrarare**, cun separada votazione fata-si cun sas modalidades e su matessi resurtadu de sa votazione pretzedente, su presente atu deretu esecutàbile, cunforma a s'art. 134, comma 4, de su D.Lgs. 18 austu 2000.

**Parres cunforma a s'art.49 de su Decretu legislativu
18/08/2000 n.267**

Testu Ùnicu de sas leges subra s'ordinamentu de sos Entes
Locales

Delibera de Consìgiu n.26 de su 18-05-2023 Comune de Otzana

Lèghidu, aprovadu e sutascritu a norma de lege.

Su Presidente
f.du Franco Saba

Su Segretàriu Comunale
f.du Dut.ra Antonina Mattu

ATESTADU DE PUBLICATZIONE

Sa presente deliberatzione benit publicada a s'Albu pretòriu informàticu comunale in die de oe, pro 15 dies consecutivas e finas a su 16-06-2023, cunforma a s'art. 37, comma 3, de sa L.R. 04/02/2016, nr. 2.

Die, 01-06-2023

Su Segretàriu Comunale
f.du Dut.ra Antonina Mattu

**ESECUTIVIDADE DE SA
DELIBERATZIONE**

Sa presente deliberatzione est esecutiva:

Dae su matessi die chi sa delibera est adotada est deccrada deretu esecutàbile cunforma a s' art. 134 de su D.Lgs. n. 267/2000.

Die, 01-06-2023

Su Segretàriu Comunale

Si atestat chi sa presente còpia est cunforme a s'originale.

Die _____

Su funtzionàriu incarrigadu
